



# SLUŽBENE NOVINE TUZLANSKOG KANTONA

GODINA 14 • TUZLA, UTORAK, 27. NOVEMBAR 2007. GODINE • IZDANJE NA BOSANSKOM JEZIKU • BROJ 12

356

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 21. 11. 2007. godine, donosi

## ZAKON

### O IZMJENAMA I DOPUNAMA ZAKONA O IZVRŠENJU BUDŽETA TUZLANSKOG KANTONA ZA 2007. GODINU

#### Član 1.

U Zakonu o izvršenju Budžeta Tuzlanskog kantona za 2007. godinu ("Službene novine Tuzlanskog kantona", br. 3/07 i 7/07), član 8. mijenja se i glasi:

"Svi javni prihodi i primici Budžeta, uključujući i prihode koje korisnici ostvaruju obavljanjem osnovne djelatnosti i ostalih poslova na tržištu, uplaćuju se na depozitni račun javnih prihoda Budžeta Kantona i iskazuju po izvorima iz kojih potiču.

Pod vlastitim prihodima podrazumijevaju se prihodi koje korisnici ostvare obavljanjem osnovne djelatnosti i ostalih poslova korisnika na tržištu.

Pod vlastitim prihodima ne podrazumijevaju se prihodi koji su ostvareni u internom poslovanju između korisnika na istom novou vlasti.

Korisnici su obavezni da prilikom izrade svog dijela budžeta, planiraju rashode koji će biti pokriveni iz vlastitih prihoda.

Vlastite prihode iz stava 2. ovog člana korisnici koriste za pokriće izdataka nastalih obavljanjem tih poslova, a ostatak za tekuće i kapitalne izdatke.

Korisnici osnovani za pružanje usluga smještaja, prehrane, proizvodnje i obavljanja sličnih poslova za određenu kategoriju korisnika tih usluga, ostvarene prihode u potpunosti koriste za pokriće ukupnih rashoda.

Prihodi korisnika, prikupljeni obavljanjem osnovne djelatnosti na tržištu i ostale djelatnosti po posebnim propisima do kraja fiskalne 2006. odnosno do kraja fiskalne 2007. godine, koristit će se u skladu sa pravilnicima o mjerilima za korištenje tih prihoda koji su se primjenjivali za fiskalnu 2006. godinu.

Vlastiti prihodi korisnika iz stavova 6. i 7. ovog člana mogu se koristiti samo u toku fiskalne godine, a neutrošeni dio prihoda postaje javni prihod, izuzev vlastitih prihoda korisnika osnovanih za pružanje usluga, smještaj itd. i vlastitih prihoda korisnika iz

oblasti obrazovanja koji se mogu koristiti do 30. juna naredne fiskalne godine, i izuzev vlastitih prihoda naplaćenih u ime naknada za postdiplomski studij.

Korisnici su odgovorni za blagovremenu naplatu potraživanja po osnovu vlastitih prihoda, kao i poduzimanje svih mjera za njihovu realizaciju.

Korištenje sredstava iz stava 2. ovog člana vrši se u skladu sa Pravilnikom o procedurama korištenja prihoda ostvarenih od obavljanja osnovne djelatnosti korisnika Budžeta Tuzlanskog kantona ("Službene novine Tuzlanskog kantona", broj: 2/06)."

#### Član 2.

Ovaj zakon stupa na snagu danom objavljivanja u "Službenim novinama Tuzlanskog kantona".

Bosna i Hercegovina  
Federacija Bosne i Hercegovine  
TUZLANSKI KANTON  
Skupština  
Broj: 01-02-810-4/07  
Tuzla, 21. 11. 2007. godine

Predsjednik  
Skupštine Tuzlanskog kantona  
**Mr. sci. Amir Fazlić, v.r.**

357

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 21. 11. 2007. godine, donosi

## ZAKON

### O IZMJENAMA I DOPUNAMA ZAKONA O NOVČANOJ PODRŠCI U PRIMARNOJ POLJOPRIVREDNOJ PROIZVODNJI

#### Član 1.

U Zakonu o novčanoj podršci u primarnoj poljoprivrednoj proizvodnji ("Službene novine Tuzlanskog kantona", broj: 5/07), u članu 2. riječ "subvencije", zamjenjuje se riječju "regresiranje".

Nakon stava 1. dodaje se stav 2. koji glasi:

"U slučajevima utvrđenim ovim zakonom, sredstva novčane podrške iz prethodnog stava mogu se koristiti i za prehrambenu industriju."

## Član 2.

U članu 4., nakon stava 2., dodaje se stav 3., koji glasi:  
"Sredstva novčane podrške za prehrambenu industriju iznose do 15% od ukupne visine sredstava novčane podrške iz prethodnog stava."

## Član 3.

U članu 5. stav 1. riječ "poljoprivrede", zamjenjuje se riječima "primarne poljoprivredne proizvodnje".

U stavu 4., alineja 1. se mijenja i glasi: "strategiji razvoja primarne poljoprivredne proizvodnje".

U stavu 4., u alineji 4. nakon riječi "različitostima u", dodaje se riječ "primarnoj".

U stavu 4., u alineji 5. nakon riječi "potreba za", dodaje se riječ "primarnu".

## Član 4.

Član 8. mijenja se i glasi:

"Pravo na novčanu podršku imaju fizička i pravna lica (u daljem tekstu: korisnici), koja ispunjavaju sljedeće opšte uslove:

1. da su evidentirani za obavljanje djelatnosti primarne poljoprivredne proizvodnje, odnosno prehrambene industrije na teritoriji Kantona;

2. da imaju prebivalište ili sjedište na teritoriji Kantona;

3. da proizvode za tržište ili za potrebe vlastite farme ili da pružaju usluge na tržištu, vrše otkup, doradu, primarnu preradu, pakiranje poljoprivrednih proizvoda i slično;

4. da se radi o pravnim licima koja su ispunila poreske obaveze;

5. da ispunjavaju i ostale posebne propisane uslove.

Novčanu podršku iz člana 10., tačke D i E, kada je u pitanju prehrambena industrija, imaju samo fizička i pravna lica koja se bave preradom biljnih i animalnih proizvoda iz primarne poljoprivredne proizvodnje proizvedenih na području Kantona.

Novčanu podršku iz člana 10., tačka E, kada je u pitanju otkup poljoprivrednih biljnih i animalnih proizvoda proizvedenih na području Kantona koji služe za dalju preradu, imaju samo pravna lica.

Novčanu podršku iz člana 10., tačka E, kada je u pitanju regresiranje kamata na investicijske kredite u primarnoj poljoprivrednoj proizvodnji, pored korisnika navedenih u stavu 1. tačka 2. ovog člana, imaju i povratnici koji su imali status izbjeglih lica na području Kantona.

Korisnik podnosi zahtjev za ostvarivanje prava na novčanu podršku gradskoj, odnosno općinskoj službi za upravu nadležnoj za poslove poljoprivrede (u daljem tekstu: gradska/općinska služba), u mjestu prebivališta.

Korisnik je dužan odobrena sredstva namjenski utrošiti.

Ministarstvo i gradske/općinske službe vode evidenciju korisnika novčane podrške."

## Član 5.

U članu 9., stav 1., tačka 2. se mijenja i glasi: "regresiranje kamata na kredite za otkup viškova biljnih i animalnih poljoprivrednih proizvoda proizvedenih na području Kantona i investicijske kredite u primarnoj poljoprivrednoj proizvodnji i prehrambenoj industriji", tačka 6. se mijenja i glasi: "kapitalne investicije u primarnoj poljoprivrednoj proizvodnji i prehrambenoj industriji".

## Član 6.

U članu 10., stav 1. u tački D, riječi: "Kapitalna ulaganja" zamjenjuju se riječima: "Kapitalne investicije u primarnoj poljoprivrednoj proizvodnji i prehrambenoj industriji".

U tački E riječi: "Regresiranje kamata za investicijske kredite u primarnoj poljoprivrednoj proizvodnji" zamjenjuju se riječima: "Regresiranje kamata na kredite za otkup viškova biljnih i animalnih poljoprivrednih proizvoda na području Kantona i investicijske kredite u primarnoj poljoprivrednoj proizvodnji i prehrambenoj industriji".

U tački F, u alineji 1. riječi: "i prehrambene industrije" se brišu.

U tački G riječi: "Podršku uvođenju novih savremenih tehnologija u primarnu poljoprivrednu proizvodnju", zamjenjuju se riječima: "Participaciju u realizaciji projekta novih tehnologija od interesa za primarnu poljoprivrednu proizvodnju."

U tački G, u alineji 4. nakon riječi: "asocijacija", dodaje se riječ: "primarnih".

## Član 7.

U članu 13., tekst: "stav 3.", zamjenjuje se tekstom: "stav 6."

## Član 8.

U članu 23., stav 1., alineja 1., tekst: "stav 3.", zamjenjuje se tekstom: "stav 6."

## Član 9.

U članu 24., stav 1., alineja 1., tekst: "stav 3.", zamjenjuje se tekstom: "stav 6."

## Član 10.

U članu 25., tekst: "stav 3.", zamjenjuje se tekstom: "stav 6."

## Član 11.

Ovaj zakon stupa na snagu danom objavljivanja u "Službenim novinama Tuzlanskog kantona".

Bosna i Hercegovina  
Federacija Bosne i Hercegovine  
TUZLANSKI KANTON

Predsjednik

Skupštine Tuzlanskog kantona

Skupština

Mr. sci. Amir Fazlić, v.r.

Broj: 01-02-706-17/07

Tuzla, 21. 11. 2007. godine

  
**358**

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99, 10/00, 14/02, 6/04 i 10/04) i članova 84., 85. i 86. Zakona o zdravstvenom osiguranju ("Službene novine F BiH", br. 30/97 i 7/02), na prijedlog Upravnog odbora Zavoda zdravstvenog osiguranja Tuzlanskog kantona, Skupština Tuzlanskog kantona, na sjednici održanoj 21. 11. 2007. godine, donosi

**ODLUKU**

**o utvrđivanju osnovica, stope i načinu obračunavanja i uplate doprinosa za obavezno zdravstveno osiguranje na području Tuzlanskog kantona**

## Član 1.

Ovom odlukom saglasno odredbama člana 4. stav 1. tačka 3. Zakona o doprinosima i članovima 84., 85. i 86. Zakona o zdravstvenom osiguranju utvrđuju se: